

Lefel 1 / Lefel 2 TAAU

Celfyddydau Perfformio

I'w addysgu o fis Medi 2027

Canllaw Cyflym



Noder bod yr holl wybodaeth yn ein Canllawiau Cyflym yn amodol ar gymeradwyaeth Cymwysterau Cymru.

Yn Arbennig i Gymru.
Yn barod i'r byd.

Grymuso dysgwyr, cefnogi athrawon

Fel corff dyfarnu mwyaf Cymru, mae gennym fwy na 75 mlynedd o brofiad yn cyflwyno cymwysterau o safon y gellir ymddiried ynddynt ac yn cefnogi dysgwyr, addysgwyr, a chyflogwyr ledled Cymru.

Darparwn amrywiaeth eang o gymwysterau dwyieithog sy'n hygyrch, yn ennyn diddordeb, ac wedi'u bwriadu i fodloni anghenion dysgwyr heddiw.

I ategu ein cymwysterau mae gennym dimau pynciol arbenigol, adnoddau o safon uchel, a chefnogaeth arbenigol, ymatebol. Y cydweithio agos ag ysgolion, colegau, consortia rhanbarthol, arbenigwyr sector a Chymwysterau Cymru sy'n llywio ac yn llunio ein gwaith.

Ni yw'r unig gorff dyfarnu sy'n cynnig cymwysterau ym mhob cyfres o'r hyn sydd ar gael fel Cymwysterau Cenedlaethol 14-16. Rydym yn falch iawn felly o fod â rôl allweddol yn cefnogi dyhead Llywodraeth Cymru i wneud addysg yng Nghymru yn rhywbeth y gall y genedl fod yn falch ohono. Mae'n ymrwymiad gennym i helpu pob dysgwr i gyflawni ei botensial ac i symud ymlaen yn hyderus.



TAAU: Deniadol, ymarferol, ac wedi'u hadeiladu ar gyfer cynnydd

Mae ein cymwysterau Lefel 1/2 Tystysgrif Alwedigaethol Addysg Uwchradd (TAAU) wedi'u llunio i ysbrydoli a chefnogi dysgwyr 14-16 oed, gan gynnig rhaglen dros ddwy flynedd sy'n hygyrch, deniadol, ac wedi'i gwreiddio mewn dysgu yn y byd go iawn. Gyda phwyslais cryf ar weithgareddau a phrofiad ymarferol, mae'r cymwysterau hyn yn helpu dysgwyr i feithrin hyder, datblygu sgiliau hanfodol, a chyflawni llwyddiant ystyrlon.

Mae cymwysterau TAAU yn cynnwys unedau, gan ganiatáu i ddysgwyr gwblhau rhai asesiadau ym Mlwyddyn 10 ac eraill ym Mlwyddyn 11. Gyda'r hyblygrwydd hwn, mae'n bosibl gwneud cynnydd cyson, mae llai o bwysau asesu, ac mae'r dysgwyr yn cael y cyfle i ddangos yr hyn maen nhw'n ei gyflawni drwy gydol y cwrs.

Ar gyfer ein cymwysterau TAAU, mae asesiadau allanol, sydd fel arfer yn werth 40% o'r cymhwyster cyffredinol, wedi'u llunio er mwyn asesu gwybodaeth ar lefel sylfaenol a gellir eu cwblhau tua dechrau'r cwrs, gan roi mwy o amser i ddysgwyr ganolbwyntio ar ddatblygu sgiliau lefel uwch. Mae'r strwythur hwn yn ychwanegu trylwyredd a hygrededd i'r cymhwyster tra'n helpu i leihau llwyth gwaith athrawon.

Oherwydd eu natur gydadferol, mae ein cymwysterau TAAU yn cydnabod y cryfderau sydd gan ddysgwyr ar draws y gwahanol unedau. Gall cyflawniad uchel mewn un maes wrthbwysio perfformiad is mewn maes arall, gan hyrwyddo profiad asesu mwy cynhwysol a chefnogol.

Gyda chynnwys sy'n berthnasol, yn ysgogol ac wedi'i deilwra i anghenion dysgwyr, mae cymwysterau TAAU CBAC yn darparu sylfaen gadarn ar gyfer symud ymlaen i astudio ymhellach ar Lefelau 1 i 3. P'un a yw dysgwyr yn parhau i astudio'r pwnc ai peidio, byddan nhw'n ennill gwybodaeth, dealltwriaeth a sgiliau gwerthfawr, gan deimlo eu bod wedi cyflawni mewn ffordd sy'n eu paratoi ar gyfer bywyd, dysgu a gwaith.

Gweler ein hamrywiaeth lawn o gymwysterau TAAU

www.cbac.co.uk/ton3

Ynglŷn â'r TAAU mewn Celfyddydau Perfformio

Mae'r diwydiant Celfyddydau Perfformio yn ganolog i dirwedd ddiwylliannol Cymru, gan gynnig dau lwybr – perfformio a chynhyrchu – ar draws disgyblaethau amrywiol.

Mae'r cymhwyster hwn yn helpu dysgwyr i ddeall cwmpas y sector, rolau swyddi, a chyfleoedd gyrfa. Drwy weithgareddau ymarferol, byddan nhw'n archwilio gwaith proffesiynol a gwaith wedi'i ddyfeisio wrth ddatblygu sgiliau mewn perfformio, cynhyrchu, neu'r ddau.

Mae asesiadau'n arddangos eu galluoedd ac yn dyfnhau gwybodaeth, gan feithrin hyder a hyfedredd wrth iddyn nhw baratoi i astudio ymhellach neu i ddilyn prentisiaethau neu yrfaedd yn y diwydiant bywiog, creadigol hwn.

Ar gyfer pwy mae'r cymhwyster hwn?

Mae ein cymhwyster Lefel 1/2 TAAU Celfyddydau Perfformio wedi'i lunio i fod yn gyfochrog â chymwysterau TGAU, gan gynnig profiad galwedigaethol ymarferol sy'n ehangu dysgu i ddysgwyr 14 i 16 oed mewn ysgolion.

Mae'n cynnig llwybr strwythuredig i ddeall natur amrywiol y diwydiant Celfyddydau Perfformio a'r cyfleoedd gyrfa sydd ar gael. Mae'n addas i'r rhai hynny sydd â diddordeb mewn pynciau creadigol, sy'n seiliedig ar sgiliau ac mae'n darparu sylfaen ardderchog ar gyfer astudio ymhellach, sydd yn ei dro, yn cefnogi symud ymlaen i fyd gwaith.

Beth mae'r cymhwyster yn ei gynnwys?

Uned	Ffocws
1. Cyflwyniad i'r Diwydiant Celfyddydau Perfformio (24 ODA)	Yn yr uned hon, bydd dysgwyr yn meithrin gwybodaeth a dealltwriaeth o'r canlynol: • pwysigrwydd y diwydiant celfyddydau perfformio yng Nghymru • amrywiaeth o ffurfiau celf a rolau • y mathau o swyddi, eu rolau a'u cyfrifoldebau • nodweddion allweddol gweithio yn y diwydiant.
2. Dod o hyd i waith* (24 ODA)	Yn yr uned hon, bydd dysgwyr yn archwilio: • sut i ddod o hyd i waith yn y diwydiant celfyddydau perfformio • pwysigrwydd gwaith proffesiynol • y sgiliau sydd eu hangen i lwyddo yn y diwydiant • sut i gymhwyso eu sgiliau mewn ymateb i friff cyflogaeth.

Uned	Ffocws
3. Arddangosfa Greadigol* (72 ODA)	Yn yr uned hon, bydd dysgwyr yn canolbwyntio ar y canlynol: • dyfeisio gwaith mewn ymateb i friff • datblygu amrywiaeth o sgiliau i'w galluogi i ddehongli gofynion briff, llunio a datblygu syniadau, gweithio gydag eraill a pharatoi ar gyfer perfformiad neu baratoi dyluniadau • dysgu sut i adfyfyrio ar y broses hon i'w helpu i ddatblygu sgiliau o'r fath yn y dyfodol.

*Ar gyfer Unedau 2 a 3, mae dysgwyr yn dewis un ddisgyblaeth o'r 12 ar y rhestr isod:

Disgyblaethau Perfformio	Disgyblaethau Cynhyrchu
• actio • dawns • cerddoriaeth • technoleg cerddoriaeth • theatr gorfforol.	• dylunio gwisgoedd • dylunio goleuo • dylunio colur a gwallt • dylunio pypedwaith • dylunio set • dylunio sain • llwyfannu.

Sylwch: gall dysgwyr ddewis yr un ddisgyblaeth neu ddisgyblaethau gwahanol ar gyfer Unedau 2 a 3

Crynodeb o'r Asesu

Uned	Math
1	Prawf Sector wedi'i farcio gan CBAC 1 awr – 50 marc – 20% o'r Cymhwyster Mae dwy adran i'r prawf sy'n werth 25 marc yr un. Mae Adran A yn cynnwys amrywiaeth o fathau o gwestiynau gwrthrychol, fel cwestiynau amlddewis, ymateb lluosog, llenwi'r bylchau, llusgo a gollwng, a chwestiynau man poeth. Mae Adran B yn cynnwys amrywiaeth o gwestiynau sy'n gofyn am atebion byr. Gall canolfannau ddewis cofrestru dysgwyr ar gyfer fersiwn ar-sgrin neu ar bapur.
2	Asesiad di-arholiad wedi'i farcio gan CBAC 4 awr – 50 marc – 20% o'r Cymhwyster Bydd dysgwyr yn cwblhau dwy dasg yn seiliedig ar friff sy'n cael ei osod yn allanol. Bydd y briff yn canolbwyntio ar gyfle gwaith penodol. Bydd dysgwyr yn ymateb drwy greu portffolio unigol a darn clyweliad neu bortffolio unigol a phortffolio cynhyrchu.

Uned	Math
3	Asesiad di-arholiad wedi'i farcio gan y Ganolfan 12 awr - 90 marc - 60% o'r Cymhwyster Bydd dysgwyr yn cwblhau dwy dasg yn seiliedig ar friff sy'n cael ei osod yn allanol. Bydd dysgwyr yn dewis briff o ddewis o chwech a byddan nhw'n gwneud un o'r canlynol: • creu a pherfformio darn wedi'i ddyfeisio (perfformio) • creu dyluniadau cynhyrchu ar gyfer darn wedi'i ddyfeisio (cynhyrchu) • llwyfannu perfformiad wedi'i ddyfeisio (cynhyrchu). Bydd gofyn i bob dysgwr werthuso ei rôl a'i sgiliau.

“Mae ein cymwysterau TAAU yn dod â dysgu yn fyw. Trwy gynnig profiadau ymarferol, bywyd go iawn ac asesiadau hyblyg a chynhwysol, maent yn grymuso pobl ifanc i feithrin hyder, datblygu sgiliau a llwyddo – gan osod sylfaen cadarn ar gyfer datblygu, dysgu yn y dyfodol a bywyd gwaith.

Mae ein tîm ymroddgar yma i'ch arwain ar y broses, yn ogystal â'n hadnoddau wedi'u teilwra a'n cyfleoedd dysgu proffesiynol, a fydd yn eich ysgogi i gyflwyno'r cymwysterau newydd a chyffrous yma.”

Sarah Harris

Cyfarwyddwr Cynorthwyol
(Cymwysterau Galwedigaethol)



Oes angen mwy o gefnogaeth arnoch chi?

Mae ein Cynrychiolydd Rhanbarthol **Sophie Dobbs** ar gael i'ch cefnogi fel canolfan i gyflwyno'r cymwysterau newydd cyffrous hyn:

Rwy'n gweithio'n agos gydag ysgolion a cholegau ledled Cymru, yn eu helpu i ddeall y cymwysterau Ton 3 newydd sydd i ddod fel rhan o ddiwygio Cymwysterau Cenedlaethol 14-16 ym mis Medi 2027.

Rwyf yma i gefnogi canolfannau ar bob cam o'r daith -o'r sgysiau cynnar a chynllunio, hyd at gyflwyno'r cymwysterau.

Cyn dechrau yn CBAC, treuliais 17 mlynedd mewn addysg uwchradd. Mae cael y profiad hwnnw, a dealltwriaeth glir o'r heriau ymarferol y mae uwch arweinwyr yn eu hwynebu o ran staffio, amserlennu, adnoddau a chyllidebau, yn golygu fy mod mewn sefyllfa dda i gefnogi canolfannau yn strategol ac yn ymarferol drwy drawsnewidiad Ton 3

Cysylltwch â Sophie:

ton3@cbac.co.uk



Mae'r don olaf o Gymwysterau Cenedlaethol 14-16 ar gyfer Gymru ar y ffordd, a bydd y cymwysterau'n barod i'w haddysgu am y tro cyntaf o fis Medi 2027.

Rydyn ni'n adeiladu ar bopeth a ddysgwyd wrth gyd-greu ein cymwysterau TGAU Gwneud-i-Gymru, gan gydweithio â dros 100 o ganolfannau a 60+ o gyflogwyr, i ddatblygu amrywiaeth gynhwysol, eang a chytbwys o gymwysterau sy'n galluogi ffyrdd gwahanol o ddysgu a datblygu sgiliau.

Dewch i ddarganfod amrywiaeth o gymwysterau newydd cynhwysol gyda CBAC, bwrdd arholi mwyaf sefydledig Cymru:

- **Project Personol**
- **Y Gyfres Sgiliau (Sgiliau Bywyd a Sgiliau Gwaith)**
- **Sylfaen (Cyffredinol ac yn Gysylltiedig â Gwaith)**
- **TAAU (Tystysgrif Alwedigaethol Addysg Uwchradd)**

Dysgu mwy: www.cbac.co.uk/ton3



Yn Arbennig i Gymru.
Yn barod i'r byd.